

GOOBID-19 Ashowizii-mashkikiwan ge-aabajichigaadegin Ontario

- Ashowizii-mashkikiwan onizishinon, minosewan, mii dash iwe ge-izhi-wiji'igoyin ji-ayaasiwan iwe gichi-aakoziwin GOOBID-19 gaa-izhinikaadeg
- Iwe (GOOBID-19) Ashowizii-mashkikiwan gaawiin gi-ga-miinogosiin iwe aakoziwin. Gi-ga-wiji'igon ji-ayaasiwan iwe aakoziwin.
- Ashowizii-mashkiki gi-ga-wiidookaagon ji-zoongak giyaw ji-miigaadaman iwe aakoziwin giishpin aazhoo'igooyin. Gaawiin gi-ga-oke-inaapinesii iwe GOOBID-19 gaa-izhinikaadeg gaye giishpin inaapineyin, gaawiin aapiji gi-ga-gichi-aakozisii.
- Gaa-ishkwaa nanaando-gikendamowaad igi gaa-gichi-gikendaasowaad, Mino-ayaawin Gaanada Ogimaawiwin o-gii-atoonaawaan niizh Ashowizii-mashkikiwan ji-aabajichigaadegin omaa Gaanada Akiing:
 - Bezhig [Pfizer-BioNTech](#) izhinikaade – Gichi-anami'egiizhiganigiizis 9 2020 gii-izhiseg gii-odaapinigaade ji-aabajichigaadeg.
 - [Moderna](#) - Gichi-anami'egiizhiganigiizis 23 2020 gii-izhiseg gii-odaapinigaade ji-aabajichigaadeg. Moderna Ashowizii-mashkikiwan nawaach wendan ji-bimiwijigaadeg gaye ji-ganawenjigaadeg. Mii dash ogimaawiwin ge-onji-aabajitootwaad iwe Moderna Ashowizii-mashkiki akiwenziwigamigong, gaa-izhi-ganawenimindwaa gichi-anishinaabeg gaye bagwadakamig gaye ishkpninganig.
- Gaa-izhiniizhingin Ashowizii-mashkikiwan niizhing da-odaapinigaadewan.
- Gaa-ishkwaa-odaapinigaadegin niizhing, 94-95% da-onizhishinon.

Ashowizii-mashkikiwan Da-minosewan

- **Ashowizii-mashkikiwan eta gaa-gii-bagidinang Mino-ayaawin Gaanada da-inendamonaaniwan e-onizhishing ji-aabajichigaadegin omaa Gaanada Akiing.**
 - Amii enenjigaadegin ini Ashowizii-mashkikiwan:
 - Niibiwa awiyag e-gii-gojitowaad ini ashowizii-mashkikiwan
 - Gii-gojichigaadewan, gii-inenjigaade e-onizhishingin
 - Da-naagajichigaadewan ji-ganawaabanjigaadeg giishpin ji-maanishkaagemagakin
 - Ontario Ogimaawining odinendaanaawaa ini Ashowizii-mashkikiwan ji-onizhishingin:
 - Weweni da-bimiwijigaadewan gaye da-ganawenjigaadewan ini Ashowizii-mashkikiwan gaa-izhising ji-doojigaadegin gaye gaa-izhi-dakising ji-ategin
 - Ji-ayaamagak ge-dazhi-jiita'ondwaa awiyag gaye ji-gikino'amawindwaa igiwe ge-jiita'owewaad ji-miigiwewaad ini Ashowizii-mashkikiwan
 - Ji-ashowaabiwaad maagizhaa maanishkaagowaad aaninda awiyag ini mashkikiwan
 - Giiyaabi [agindan wiindamaagewin ji-dazhinjigaadegin ini ashowizii-mashkikiwan](#) gaye [ji-dazhinjigaadegezhi-bagidinigaadegin ini ashowizii-mashkikiwan](#) Gaanada Ogimaawiwin.
 - Inaabin imaa [Ontario.ca/covidvaccine](#) ji-waabandaman aaniin ekidowaad ji-wiindamaagewaad ezhisingin ini ashowizii-mashkikiwan gaye ezhi-aabajichigaadegin.
-